

# Timotigö Kimbi 2

## Polnön Timotigöra Kimbi aliga 2 ahök.

### Jim-asa-asari

Polnön undumŋi aka gwabö alabaukŋi Timotigöra “Andö qambaŋni qöndökŋi waŋgimam,” jiba Buŋa Kimbi ki ohoyök. Keu areŋi bohonŋi mi kapaŋkölköl. Polnön mi jim asariba uruŋi naŋgöba qambaŋi kewö waŋgiba ohoyök: Timoti göŋön mönö pöndaŋ kinda Jisös Kraistkö könaŋi naŋgöba jiba malman. Ölöwak Buŋa aka Jöhöjöhö Areŋ Walŋi mötzani, mönö miangöreŋ qekötahöba miangö keuŋi ölbölŋi mi ambazip kusum eŋgiba urukuŋgukuŋgu nup memakŋan. Tuarenjoŋ ak gihigetka sihimbölö könaŋi könaŋi miwikŋaiba mötpanak ewö, mönö töndup Anutunön nup gihiyöhaŋgö dop mi kapaŋ köla memakŋan.

Polnön galöm meme keu köhöikŋi Timoti kewö waŋgiyök: Tosatŋan “gukmaulem qakŋe aŋgururuk omaŋi aka kezapjupjup ahakzei,” göŋön mönö miangö keunön aŋgota nalögi mösöhöba ayuhubanbuk. Aŋgururuk keu mewöŋi mieŋön ambazip qahöpmahöp bauköm eŋgimakzemö, ambazip kezap ala mörakzei, mönö i mem bölim eŋgiiga ayuhume.

Polnön qambaŋ keuŋi pakpak naŋgömamgöra naŋi malmalŋaŋgö kösohotŋi ohoyök. Wuanöŋgöra aka denöwö nup areŋi ala bim qeba malöhi, Timotinön miangö keuŋi ölum qebapüköra mi kewö jim asariyök, “Nönön Jisös möt nariba lömböt möta mökösoŋda urukalem aka malal. Sesewerowero ak niŋgigetka sihimbölö möta kapaŋ köla köhöiba kinal.”

### Buk kiaŋgö bahöŋi bohonŋi 5 mi kewö:

Keu mutukŋi 1.1-2

Anutu möpöseiba Timoti qambaŋ waŋgiyök 1.3–2.13

Goro aka galöm meme keu tosatŋi 2.14–4.5

Pol öröm ureim ak waŋgigetka malök 4.6-18

Kimbigö keu kötŋi bohonŋi 4.19-22

---

**1** <sup>1</sup> Anutunön jitsihitŋi jim kutuba Pol ni kuŋgum niŋgiiga Kraist Jisösgö aposol akzal. Kraist Jisösbuk qekötahöba kininga

malmal köhöikni neŋgimapkö keu jöhöyöhi, miangö Buŋa keuŋi jim asarimangöra melaim niŋgiiga maljal.

<sup>2</sup>“Timoti göŋön mötnaripkö wölböt nahöni akzan. Nöŋön göbuk keu eraum mötpitköra kimbi ki ohozal.

Iwi Anutu aka Kembunini Kraist Jisös, yetkön mönö ak kömumba kalem möriam gihiyohotka luainöŋ malman.

**Polnöŋ Timoti uruŋi naŋgöba keu jiyök.**

<sup>3</sup>Nöŋgö ambösakonon Anutu welenŋi qeba malgetka nöŋön toroqeba nupŋi membiga Anutunöŋ “Dop kölja,” jiiga urukezapnan mewö mörakzal. Uruni sarakŋi aiga Anutu möpöseimakzal. Möpöseiba suŋgem asak köuluköba gi qösösök mötmörim gihimakzal. <sup>4</sup>Gömosötpiga sahötnöŋga imbilgi eröhi, nöŋön mi mötmöriba gekŋamgö awöweŋgöba kapaŋ kölakzal. Geka köisirik tatziga sösöŋgainöŋ uruni kokolak qemapköra mötzal.

<sup>5</sup><sup>b</sup>Göŋön geŋmoŋ qahö öljä Jisös möt nariba maljani, keu mi urukönömne ahöiga mötmörimakzal. Mutuk abugi Lois aka namgi Yunis yetkön uruŋiri meleŋnohotka mötnaripŋiran ahuyök. Yetkö andöŋjire göŋön mewöyök aka maljani, mewö möt narim köhöizal.

<sup>6</sup>Miangöra ikmaok malbanbuköra keu kewö köl gulim gihizal: Nöŋön mutuk böröni nöropke ala köuluköbiga Anutunöŋ nup memegö mötmöt kalem gihiiga uruge ahözawi, mi mönö mem gulinöŋga könöp bölam ewö köhöiba jeba qahö iliŋ alma. <sup>7</sup>Keu ki mötmörinöŋ anök: Anutunöŋ Uŋa Töröŋi mi ziriŋziriŋ aka qarösömbu mötpingöra qahöpmö, nanŋi kukösumgö Uŋaŋi neŋgiiga ölop uruninan jöpaköm aŋguba ahakmemenini törörök galöm köl aŋguba kinbin.

<sup>8</sup>Miangöra Kembuninaŋgö keuŋi naŋgöba jim sehimamgö taŋqaŋ kude akŋan. Mewö qahöpmö, mönö ni ewö aka malman. Nöŋön Kembangö nupŋi memba malbiga miangöra kösö mire al niŋgigetka tatzalmö, töndup nöŋgöra aka gamu kude möta malman. Mönö köhöiba ni ewö awösamkakak kindu urugö nup memba malman. Ölöwak Buŋagöra aka aŋgösirip ak gihibeak ewö, mönö miangö sihibölöŋi möta mököstönda bisiba malman. Anutunöŋ kukösum gihimakzawaŋgö dop mi ölop nömbuk mohotŋe kapaŋ köla bisiba malbit.

<sup>9</sup>Anutunöŋ möpŋaŋgö möpŋe Suep gölme qahö miwikŋaim etkiba nalö miangörej neŋgöra mötmöriba areŋ kewö alök: Anutunöŋ Kraist Jisösgöra aka kalem möriam neŋgima. Areŋ mi ali ahöiga mala kota malgetka nini ahuin. Ahuinga Anutunöŋ nini yaŋgö buŋaŋi aka sarakŋi malbingöra neŋgohola amöt qem neŋgiyök. Naninak yuai ölopŋi ahinaŋgöra aka qahö möwölöhöm neŋgiba neŋgoholökmö, nanŋi areŋ

<sup>a</sup> 1.2 Apo 16.1    <sup>b</sup> 1.5 Apo 16.1, 11; 1 Tim 2.7

walji mi wuatangöba kinda nenngoholök. <sup>10</sup>Aren walji miangö ölni mi nalö kewöŋe aukŋe asuhuyök. Amötqeŋe Toninan asuhuba Anutugö kalem möriamŋi mokom nenngiyök. Kraist Jisösnöŋ asuhuba kömupkö ösumŋi qeba tulumgöi eriga Ölöwak Buŋaŋi indeliga asariyök. Buŋa keu mi möt nariba ölop malmal kömbönaŋi miwikŋaiba teteköŋi qahö köhöiba mala nalö kunöŋ qahö kömum köhöibin.

<sup>11</sup>Anutunöŋ ni Ölöwak Buŋa jim asariba ambazip kusum enngimangöra kungum niŋgiiga melaimelai azi aposol akzal. <sup>12</sup>Aposol akzalanngöra aka nupŋi köhöiba membiga angösiripŋi bisiba sihimbölö mörakzal. Suep Azi möt narim wangimakkali, nöŋön yangö könaŋi ölop möt yaközal. Miangöra awösamkakak kinda gamuni qahö mörakzal. Qahö! Anutunöŋ möt narim niŋgiba Buŋa nupŋi al niŋgiyöhangö dop ni galöm köl niŋgimapkö köhöiba malma. Mewö maliga nupŋan qahö sohoba eriga mal öngöba nalö ketane angotpin. Mewö möt narim köhöizal. <sup>13</sup>Mötnaripkö keu urunini möhamgömapkö köhöizawi, nöŋön keu ölni mi kusum gihiba silik ölopŋi kondel gihiba malal. Mi mönö uru könömge ala wuatangöba malman. Nini Kraist Jisösbuk mohot kininga jöpaköm nenngimakkawi, göŋön mönö urukalem miangö uruŋe malman.

<sup>14</sup>Anutunöŋ geŋa möt narim gihiba yuai ölopŋi pakpak gihiga buŋagi akzawi, mianön loloŋqaloŋ aka sohobapuköra mönö mi galöm memba malman. Uŋa Töröŋan urunine kinda maljawi, mönö yangö kukösum qakŋe yuai ölni mi galöm kölnöŋga kahaimök ahöma.

<sup>15</sup>Eisia prowinsgö neŋakurupni yeŋön körek nömosöta andö nunguget, mi mötzan. Azi qetŋiri Figelus aka Hermogenes yetkön yeŋö sutŋine maljahot. <sup>16</sup>Tosatŋan nömosötketmö, Onesiforus yangön qahö. Miangöra Kambu, gi mönö Onesiforusgö saiwaurupŋi ak kömum ennginöŋga malme. Azi mianön mönö nöngö tapepnanngöra (mungamunŋa) sisit gamu qahö ak niŋgimakkapmö, nalö gwötpuk miangöreŋ köro-ölöwak qem niŋgiiga imbini bönjöŋ kölökö. <sup>17</sup>Onesiforusnöŋ Rom sitinöŋ ki kangota nalö miangöreŋök nöngöra kapaŋ köla jaruba mala miwikŋaim niŋgiyök. <sup>18</sup>Yangön mutuk Efesus sitinöŋ denöwö baukbauk ketani ketani aka mem amqem niŋgiba malöhi, mi nangak ölop möt kömuzan. Miangöra nalö ketane Kembugö qöhöröŋe angoringa Onesiforusnöŋ ak-kömükömugö töwaŋi miwikŋaimapköra köuluközal. Mewö.

### Kraist Jisösgöra mönö bim qeba malman.

**2** <sup>1</sup>O mötnarip nahöni Timoti, gi mönö Kraist Jisösbuk qekötahöba kalem möriam uruŋe böŋ qeba köhöiba kinman. <sup>2</sup>Nöŋön Buŋa keu kusum gihibiga gwötpukŋan neka nanngöba jiget mötnöŋi, mi ambazip möt narim enngienngigö dop akzei, mönö yeŋö buŋaya ahömapköra al enngiman. Mewö al ennginöŋga ahöi ölop ambazip tosatŋi toroqeba kusum enngimeangö dop akŋe.

<sup>3</sup>O Timoti, gi mönö Kraist Jisösbuk kinda yarö aziñi aködampungambuk aka kapañ köla köhöikñanök bim qeba malman. Angösirip ak gihimei, miangö sihimbölöñi mönö möta mökösoñda bisiba malman. <sup>4</sup>Yarö azigö tandökñi kewö: Suahö galöm bohonñinan azi engömeiga yarö kambugö areñnön angota anda kaba nup töp memba maljei, yeñön mönö körek galömñinan jim kutumakzawangö dop tem köla akingö jöjöröba kinje. Mewö kinda nanñini malmalgö nanñonangögöra yuai kun qahö memba malje. Uru deñqeq qahö malje.

<sup>5</sup>Miangö dopkeuñi kun kewö: Mönahot angolat azinön aongitnön angota jimkutukutu galömgö keuñi oñgita ösumñan lañ anjawi, yañön mönö aködampungambuk qahö akña. Yangö nöropñe luhut alalgö ila kun qahö kölgetka gema. Miangöra gi mönö diñdiñanök anman. <sup>6</sup>Mewöñanök kölkömöt azinön nup lömbötñi meiga ölni asuhuiğa mutuk anda jeñi qeba neiga dop kölma. Tosatñan löworigeri, yeñön yangö andöñe kame. Gi mönö miangö dop köhöiba nup memba malman. <sup>7</sup>Keu ohozali, mi oyoñnön lömböriiğa Kembunön mönö mötkutukutu ghihiğa mi pakpak ölop möt asariman. Miangöra mi mönö uru könömge ala mötmöriba malman.

<sup>8</sup>Mönö Jisös Kraist mötmöriba malman. Nöñön Ölöwak Buña jim asarimakzali, Jisösnön keu miangö dop kiñ Deiwidkö gwölönarökña ahuba Amötqeçe Tonji aiga Anutunön mem gulii kömupnöhök wahörök.

<sup>9</sup>Nöñön Ölöwak Buña keu kapañ köla jim asariba angösiripkö sihimbölöñi mötpiğa kegwek-kahasililiñ azi ewö kösö gwarö mem niñgigetka tatzal. Mewö tatzalmö, Anutugö Buña keuñi mi mönö qahö jöhöba gwaröhöget. <sup>10</sup>Könañi miangöra aka nöñön sihimbölö pakpak möta mökösoñda köhöiba kinjal. Anutunön ambazip nanñangöra möwölöhöm enñiyöhi, nöñön mönö yeñgöra aka kapañ köla bim qeba maljal. Kraist Jisösnön amöt qem enñii yeñön mewöyök letota oyaenköyaen akñegöra mötzal. Uruñini melenğa malme ewö, mönö Suepkö asakmararañnön öngöba teteköñi qahö köhöiba mala mal öngöme. <sup>11</sup>Keu ki mönö pöwöwöm köhöikñi akza,

“Nini urunini walñan yambuk mohotñe kömui maljin ewö, mönö mewöñanök yambuk köhöiba malbin.

<sup>12</sup> °Yambuk mohotñe sihimbölö möta mökösoñda maljin ewö, mönö mewöñanök yangö bemtohoñ uruñe yambuk galömkölköl akin.

Nini i qañ köljin ewö, yañön mönö mewöñanök qañ köl neñgiba neñgehörön kölma.

<sup>13</sup> Nini andö qem wañgiinga likepñi melen neñgimapkö keu jöhöi ahözawi, yañön mi qeapkömamgö osima.

° 2.12 Mat 10.33; Luk 12.9

Mindiŋqindiŋ aka nanŋi kōnaŋi utekōmamgō qōtōtaŋgōmakza. Miangōra peksek aka keunini pōndaŋ qahō wuatāŋgōbin ewō, yaŋōn mōnō tōndup (misila) keuŋi pōndaŋ wuatāŋgōba miangō dop ak nengima.” Mewō.

**Anutugō Buŋa nup azi kewō aka malman:**

<sup>14</sup>O Timoti, keu ki ōlum eŋgubapukōra mi mōnō jim gulim eŋgiba Anutugō jemesoholŋe kewō jim kutum eŋgiba malman: Mōtnaripkō keu imbiŋi imbiŋi mi mōnō melenqelerŋda mōndōmkōsōk kude akŋe. Jitnakōlik mōnō qahōpmahōp baukōm neŋgimakzapmō, tosatŋan goranora keu mewōŋi mōta eŋololoŋ aketka mōtnaripŋinan sohoi ayuhubepuk. <sup>15</sup>Gōŋōn mōnō Buŋa nupkō esapesap kōnaŋi kōnaŋi mi luhut alnōŋga Anutunōŋ geka “Dop kōljan,” jimapkōra kapaŋ kōla kinman. Gi Kraistkō nupkōra gamu kude mōta malmanmō, Buŋa keu ōlŋi mōnō tōrōrōk mendeŋda uruŋini kuŋgum eŋgiba malman.

<sup>16</sup>Gōlmegō keu oyoŋdewedewet omaŋi omaŋi mi mōnō yakōriba andō qeman. Tosatŋan mi sehiba jiba mala mewō miangōn gōlmegō aŋgōjōrakŋe qekōtahōba Anutu toroqeba nōnōŋgan aka kahapmahap ahakze. <sup>17</sup>Uzi kōhōikŋi (qetŋi kensō) miangōn busu siribuk qem qariba yōhōba anakzawi, yeŋōn miangō dop keu omaŋi jiba miangōn ambazip mem bōlim eŋgimakze. Yeŋgō kambunōŋ azi yahōt qetŋiri Himeneus aka Filetus maljahot. <sup>18</sup>Yetkōn keu ōlŋangō kōnaŋi mosōta janjuŋ aka keu sinŋi kewō jimakzahot, “Urumeleŋ ambazip neŋōn lōk guliba wahōta maljin. Miangōra kōnaŋgep kōmupnōhōk kunbuk qahō guliba wahōtpin.” Mewō jiba tosatŋi eŋololoŋ mem eŋgiyohotka mōtnaripŋinan bōlimakza.

<sup>19</sup><sup>d</sup>Mewō bōlimakzapmō, Anutunōŋ tandō pōwōwōm kōhōikŋi kuŋguyōhi, miangōn mōnō tōndup qahō uruba kinja. Miangō muŋgemŋi mi kewō ohoget ahōza, “Kembunōŋ nanŋi buŋaŋi akzei, mi ōlōp mōt kutum eŋgiza.” Muŋgemŋi kun kewō, “Ambazip Kembangō qetŋi mēmba qetzei, yeŋōn kōrek mōnō ahakmeme bōlōŋi qem yakōriba malme.”

<sup>20</sup>Miri ketaŋi miangōreŋ jout, kimbut, alnene, umnene kōnaŋi kōnaŋi ahōza. Tosatŋan ipnōŋ aka gwakōm gōlmenōŋ memēŋi, mi nalō dop mēmba nupnōŋ alakzin. Tosatŋan goul aka silwōnōŋ memēŋa. Akōdamunŋinambuk mewōŋi mi sōsōŋgai nalōŋeyōk nupnōŋ alakzin.

<sup>21</sup>Miangō dop kunŋan keu omaŋi mosōta nanŋi kōl kōŋjōrat mem aŋguzawi, yaŋōn mōnō kimbut goulnōŋ memēŋi kun ewō akŋa. Toŋan i mēmba nup akōdamunŋambuknōŋ ali memakŋa. Mi meiga tōhōtmōriamŋambuk aiga Ketaŋamŋan yaŋgōra sōŋgaimakŋa. Anutunōŋ mem sarahim waŋgiiga titiŋgitŋi kinda nup ōlōpŋi pakpak memamgō jōjōrōba kinma.

<sup>d</sup> 2.19 Janj 16.5

<sup>22</sup> Sepguli malmalgö sihim kömbönaŋi bölöŋan galöm ak gihibapuköra mönö galöm mem aŋguba malman. (Nupkahö ölnan etpapuköra mi jizal.) Esapesapnöŋ öröm gihimakzei, mi mönö qizingöba andö qeba malmal kewöŋi malmangöra kapaŋ köla malman: Ambazip uru sarakŋaŋgö qakŋe Kembu bauköm eŋgimapköra qerakzei, yembuk mönö ahakmeme diŋdiŋi wuatangöba Anutu törörök möt nariba ölna jöpaköm aŋguba luainöŋ malme.

<sup>23</sup> Tosatŋan kezapjupjup keu jiba oyoŋdewedewet ala jitnakölik aketka goranora aŋgururuk asuhamakza, mi ölna mötzan. Miaŋgöra mi mönö yaköriba andö qeba malman.

<sup>24</sup> Kembangö nup meme azi akzawaŋön mönö aŋgururuk akŋawaŋgö dop qahöpmö, ambazip körek guŋböŋjönjön qakŋe ak eŋgiba amqeba kusum eŋgiba malma. Aŋgösirip ak waŋgigetka mi köhöiba mökösöŋda malma. <sup>25</sup> Tosatŋan tuarenjön ak waŋgigetka i ölop uruluai qakŋe mutulaŋgöba mindiŋgöm eŋgimakŋa. Mewö ak eŋgiiga Anutunöŋ uru mölöwörim eŋgiiga ölop Buŋa keu möt kutuba uruŋini meleybeak. <sup>26</sup> Tuarenjön ambazip yeŋön Bölöŋi Toŋaŋgö mötöp simbanöŋ tötekögetka gwaröhöm eŋgii jitŋi tem köla ahakze. Mewö aka imbiŋini möta urumötmötŋini ahuiga yaŋgö kösönöhök lolohoba etpeak. Mewö.

### Nalö teteköŋe malmal böliba aŋgöjörakŋambuk akŋa.

**3** <sup>1</sup> Keu kötŋi ki mönö möt kutuba malman: Jisös kaka nalöŋan töriiga ambazip könaŋamŋinan bölüiga teteköŋe malmal kanjamŋambuk kewö asuhuma: <sup>2</sup> Ambazipnöŋ nanŋinaŋgörök mötmöröiba monenŋ yuai giriŋjabak membagan membingö nepaqepalok (gridi) köpösöŋgömakŋe. Sileŋini möpöseiba korua ewö ginginŋini töröreiba söŋgöröqök mala uruqeŋe keu töhöreŋ laŋ jimakŋe. Iwinamŋini yeŋgö jitŋini qahö tem köla yuai ölopŋaŋgöra saiwap qahö jiba nemsep-pamsep (nem-hölölök) ahakŋe. Anutugö nesampurek nönöŋan ahakŋe.

<sup>3</sup> “Nanŋi lömböra,” jiba wösö mötmöt qahö ahakŋe. Tosatŋi yeŋgö siŋgisöndokŋini qahö mosöta miaŋgö urubölöŋi bisimakŋe. Andöqeŋe keu yöhösaŋ jiba nanŋini qahö galöm köl aŋguba ambazip lapköba öröm ureim ak eŋgimakŋe. Ahakmeme ölopŋi tököba miaŋgö ölan eŋgöhömakŋa.

<sup>4</sup> Mamalolo aka nanŋini imbi-imbi wuatangöba jaubatbat ahakŋe. Söŋgöröqök mala jakbak-öraŋböraŋnöŋ uruŋini uwutapköiga urukönöp ahakŋe. Silegö sihim söböŋgaiŋinaŋgöra gwötputak ak eŋgiiga Anutugöra mötket eretŋi aiga göragöra ahakŋe. <sup>5</sup> Anutugö Buŋa nup bahösapsap bisiba silebile memba Sonda areŋ laŋ wuatangöba möndömakzemö, ahakmemenŋinan Anutugö kukösümŋi mi je köndat qeba qaŋ kölakze. Ambazip mewöŋi mi mönö jabö ala qizingöba andö eŋguba malman. <sup>6</sup> Yeŋgöreŋök tosatŋan laŋ liliköba ambazip miriŋine

öngöba kelök keunöj uruqeçe mem engiba kezapjini kumbaumakze. Kumbaugetka ambi tosatjan löwöriba yengörej qekötahömakze. Ambi siŋgisöndokjinaŋgö gamugöra et enguiga sihim kömbönaŋini könaŋi könaŋi mienjön yeyaseŋseŋ mem engigetka siksauk akzei, yejön i bawian mönera aka köpeim engigetka keu mötöpjine et engumakza.

<sup>7</sup>Ambi mewöŋi mienjön möt lömböriba sundan keu kusum engimegö möndöba mörakzemö, Buja keu öljanaŋgö könaŋi mi nalö dop möt kutubingö osimakze. <sup>8</sup>†Ijpt kantrigö tirip qözölgözöl azi qetjiri Janes aka Jambres yetkön Moses tuarenjoŋ ak wangiyohot. Takapulaka ambazip yejön mietkö dop Buja öljanaŋgö tuarenjoŋ ahakze. Ambazip mewöŋi yengö mötmötjinaŋ sohoiga kahapmahap akzei, mienjön Anutunöŋ mötnaripjini esapköi et enguiga Kembubuk kinkinjanan sörröima.

<sup>9</sup>Nalö töröpjini sileŋini memba öngömemö, nupjinaŋgö öljni mi nalö qahö köriiga pömsöm qema. Ijpt azi yetkö könaŋamjiran aukje asuhuyöhi, yengö uruqahöpjinaŋgö könaŋan mönö miangö dop aukje asuhui ambazip körekjan ek asarime. Mewö.

### Polgörej jimkutukutu keu teteköŋi

<sup>10</sup>Yengörej mewö asuhumapmö, nöjön malmalnaŋgö tohotjini murutjini kuŋguba areŋ alal. Ambazip Buja keu kusum engiba ahakmemeni aka memba malali, göjön mi lök eka möt kömuzan. Malmalnaŋgö tohotjini wuatangöba mötnaripkö kölguliguli pöndaŋ memba sihimbölo mökösoŋda malali, miangö kösohotjini jiba jigetka möt sölöngözan. Urumeleŋ alaurup urunan jöpaköm engiba malal. Tuarenjoŋ aŋgösirip ak niŋigetka miangörej kapaŋ köla köhöiba kinda malal. <sup>11</sup>†Sesewerowo kahasililiŋ könaŋi könaŋi ak niŋgiba malgeri, mi mötzan. Antiokia, Aikoniam aka Listra taon karöbut miangörej sihimbölo nöjgö qakne öngöiga wahöjaliŋ mörali, mi yuai kanjamjambuk ahök. Iwinaŋgö jitjini! Aŋgösirip mökösoŋda bisiba malalmö, Kembunöŋ mi pakpak miangörejök meköm niŋgiyök.

<sup>12</sup>Keu ki mötnöŋ: Ambazip Kraist Jisösbuk mohot kinda malmal köhöikni mala miangö kölguliguliŋi akingö mötzei, yejön körek sesewerowo miwikjaime. Ni aŋgösirip ak niŋiget ewö, tosatjini injini mewöyök ak engime. <sup>13</sup>Tirip qözölgözöl ambazip bölöŋi Buja nup silesile memba öjömböböp akzei, yejön toroqeba bölimqölimakje. Yejön ambazip tosatjini tilipköm engiba nanjini mewöyök tilipköm aŋguba malme.

<sup>14</sup>Yejön mewö malmemö, Timoti gi Buja keu öljni möta uru könömge ala möt narim köhöizani, mönö miangörej toroqeba böŋ

° 3.8 Eks 7.11 † 3.11 Apo 13.14-52; 14.1-20

qeba kin köhöiba malman. Denike yejñon kusum gihigeri, göñon yeñgö könañamñini möt kutuzan. I möt narim eñgizanañgöra mönö Buña keu töp memba kude söroräuba mosötman. <sup>15</sup>Urumeleñgö Buña Kimbi Töröñi mi morökötkeyök möt sölöñgöba mala kotzan. Göñon mönö mi oyoñda mötmörinöñga mötkutukutugi asariiga miangö qakñe kindä Amötqeçe Toñangö könañi möt asariman. Mi möt asariba Kraist Jisös möt narim wañginöñga amöt qem gihiiga toroqeba letota malman.

<sup>16</sup>Anutunöñ Buña Kimbigö keuñi pakpak mi ambazip tosatñi sölölohöm eñgii ohogetka kewö mem ölöwak neñgimapköra aka ahöza: Mi oyoñninga Anutunöñ urunine sölölohöba köna öññi kusum neñgiba bölöñamñinañgöra tembula jim neñgiba mindiñgöm neñgimakza aka malmal solanñi malbingöra goro neñgiba köl gulim neñgimakza. <sup>17</sup>Anutugö ambazip neñon mi oyoñda köl guliba Anutu jitñangö dop köhöiba aködämuninambuk aka nup ölöññi pakpak membingö jöjöröba malbin. Mewö.

#### Polnöñ nupñi undumñi Timotigö qakñe alök.

**4** <sup>1</sup>Kiñ Kembunini Kraist Jisösnöñ asuhuba jebuk malbini me kömumba ahöbini, neñgö keunini kewöta jim teköba tosatñi nini bemtohoñe ala galöm köl neñgima. Nöñon Jisös mi aka Anutu yetkö jemesoholñire kindä gi urugö nup memangöra jim kutum gihizal. Mi wuatangö mangö jiba keu mi jöjöpañ keunöñ jöhönöñga mötpi dop kölma.

<sup>2</sup>Kewö jim kutum gihizal: Göñon Buña keu jiba ambazip uru kuñgum eñgiba malman. Mötmegö nalöñini dop köl eñgiza me qahö dop köl eñgiza, mönö töndup kapañ köla wahöta keu jim asariba malman. Ambazip bölöñamñinañgöra jim eñgiba mindiñqindiñ aka galöm meme keu jiba uruwahöt keu eñgiba malman. Keu mötme me qahö mötmea kun, mi töndup mönö mökösoñda kindä köna öññi nalö dop kusum eñgiba malman.

<sup>3</sup>Neñon mötnaripkö keu nalö kewöñe ambazip ölöwakñegöra kusum eñgimakzinmö, nalö murutñi kun kam kuñguiga miangöreñ mötnaripkö keu kemañi kun mötpepuköra tököba kezapñini gwözöñ akñe. Keu murutñi murutñi mötpingö kezapñini köröpñi köröpñi aka aziña azi sesegilil öröm eñgigetka kaba ambazip keu i me wai mötpingö sihimñi mötzei, miangö dop kusum eñgigetka malme.

<sup>4</sup>Mewö mala Buña keu öññi mötpinbuköra nöñöñgan aka kezapñini gwözöñda bem sambanñi sambanñi lañ jiji jimakzeangöreñ göröken meleñda mi kezap ala möta malme. <sup>5</sup>Malmal mewö me mewö uteköba asuhumawi, Timoti gi mönö töndup böñ qeba zeñ kindä ahakmemegi törörök galöm köl añguba malman. Añgösirip ak gihimei, miangö sihimbölöñ mönö mökösoñda bisiba malman. Urukugukungu (ewanjelis) azigö nup areñ mi körek dop köla mem teköman.



<sup>6</sup>Nalö köröpñi bauköm gihimamgö osimamañgöra mewö jizal. Tandö lopioñ möpöseibingöra sömbup qeba jakenöñ ala ohogetka köwaknöñ öngözapma. Miangö dop nöñön malmalni Anutugöra ala köleñda nupñi memba malalañgöra gawman yeñön keuni jöhöba nuñgugetka nani sepni mokomamgö dopdowizal. Göłme ki mosötmami, miangö nalöñan lök kam kuñgumamgö dopdowiğa mötzal.

<sup>7</sup>Möñahot añgolat azinöñ ösumtiti aonñit nalöñe luhut almamgöra ösumñi pakpak qezaköba tiba anjawi, nöñön miangö dop mötnariñ köł guliba aonñit aködamunñambuk ak teközal. Kraist möt narimamgö keu jim jöhöyali, mi qahö köyatiba qañ köłalmö, miangö bimñi möñö pöñdan köhöiba qeba malal.

<sup>8</sup>Kembunöñ jimtekötekö Toñi diñdiñi aka malmalni kewöta solanñi aka malali, miangö ila soromñi mi jim teköm niñgiğa nöñgö mamböt ahöza. Kembunöñ liliñgöba kamawi, nalö miangöreñ mi niñgiba imbine köli geiga qetbuñanambuk akñam. Mi nöñgöörök qahö niñgimapmö, ambazip jöpaköm wañgiba kunbuk asuhumapkö al mambörakzei, mi yeñgö imbiñine mewöyök köli gem eñgima. Mewö.

#### **Neñakurupnan nömosöta qeñgalanğa köłget.**

<sup>9-10</sup><sup>8</sup>Nalö kewöñe göłmegö ahakmeme aka memakzei, neñakni Demas yañön uruñi miangöreñ jöhöba nömosöta Tesalonaika sitinöñ anök. Neñakni Kresens yañön Galesia prowinsnöñ anök. Taitusnöñ Dalmesia gölmenöñ anök. Miangöra gi möñö zilañ nöñgöreñ kamamgö kapañ köłman. <sup>11</sup><sup>h</sup>Luk yañön nanñök nömbuk maljit. Maknöñ welen qem niñgimapköra gwötpuk möta yañgöra osizal. Miangöra Mak wañgita mohotñe kamahot. <sup>12</sup><sup>i</sup>Neñakni Tikikus melaim wañgibiga Efesus sitinöñ anök. <sup>13</sup>Troas taonöñ mala malukuni azi qetñi Karpus yañgö mire mosörali, möñö mi memba kaman. Mewöyök kulem lama sileñe ohoba lipiñeri, nöñgöreñ lama sile mi möñö kapañ köla meman aka miangö andöñe buk tosatñi mi mohotñe memba kaman.

<sup>14</sup><sup>j</sup>Aleksander, silwö kopö ohom qeköqekötahö azi mötzani, yañön bölöñi könañi könañi gwötpuk ak niñgiba malök. Kembunöñ ahakmemeñi kewöta miangö dop likepñi melen wañgiğa qakñe öngöi sihibölö mötmawi, mi mötzal. <sup>15</sup>Yañön keuninañgöra gwötpuk tuarenöñ ak neñgiba malök. Miangöra gi mewöyök möñö yañgöra galöm mem añguba malman.

<sup>16</sup>Indim mutukñi kutukutulañ keu jake bohonñe al niñgigetka keuni likepñi jibiga kunñan kun qahö kaba ni nanñöm niñgiba jiyökmö, alaurup

<sup>8</sup> 4.10 Kol 4.14; Flm 24; 2 Kor 8.23; Gal 2.3; Tai 1.4    <sup>h</sup> 4.11 Kol 4.14; Flm 24; Apo 12.12, 25; 13.13; 15.37-39; Kol 4.10    <sup>i</sup> 4.12 Apo 20.4; Ef 6.21-22; Kol 4.7-8; Apo 20.6    <sup>j</sup> 4.14 1 Tim 1.20; Sum 62.12; Rom 2.6

pakpak yejön buratiba nömosötket. Anutunöj singisöndokñini miangö likepñi qakñine alwapuköra köuluközal.

<sup>17</sup>Yejön nömosötketmö, Kembunöj bauköm niñgiyök. Nöjön Buja keu jiba ambazip uru kuñgum engiba nup mi körek mem tekömamgöra aka mem köhöim niñgiyök. Kantri pakpak yejön Buja mi mötmegöra möta bauköm niñgiba laion sömbup kalñi yejgö numbuñine gil niñgibepukö aḡjön köla jitñineyök meköm niñgiiga eral.

<sup>18</sup>Kembunöj bölöñi könarñi könarñi mem niñgibepuköra meköm niñgiiga ölop Suep bemtohoḡañgö uruñe eu öñgömam. Kembugö qetñi mönö sundan möpöseininga nalö teteköñi qahö aködamunḡambuk aka ahöba öñgöma. Keu mi ölna.

### Yaizözkök keu teteköñi

<sup>19</sup><sup>k</sup>Gi mönö nöñgö yaizözkökni Prisila aka apñi Aqila yetköra aka Onesiforusgö saiwaurupñi yejgöra jinöñ mötme. <sup>20</sup><sup>l</sup>Neḡakni Erastus mosötpiga Korint sitinöñ malja. Trofimus i Miletus sitinöñ mosötpiga kawöl yöhöi ahöza. <sup>21</sup>Miangöra kömunḡañ kie uru nalö qahö kaiga mönö bapñe kiangöreñ nöñgöreñ kamamgö kapañ kölman. Azi qetñini Yubulus, Pudens, Linus, Klodia aka urumeleñ alaurup pakpak yejön yaizözkökñini jiba algetka göhöreñ kaza.

<sup>22</sup>O Timoti, Kembunöj uḡagi kötuetköba göbuk kinma. Anutugö kalem möriamḡañ mönö embuk ahöma. Mewö.

<sup>k</sup> 4.19 Apo 18.2; 2 Tim 1.16-17    <sup>l</sup> 4.20 Apo 19.22; Rom 16.23; Apo 20.4; 21.29